



Kela[®]

Veajuiduhttin

Oanehaččat ja čielgasit | 2024
Kuntoutus | Pohjoissaame

Sisdoallu

Kela veajuiduhttin	3
Mii veajuiduhttin lea?	4
Mánáid ja nuoraid veajuiduhttin	6
Bargoahkášaš olbmo veajuiduhttin	10
Doarjja buohcuvuođain eallimii	16
Ahkeolbmo veajuiduhttin	18
Áigáiboahtu veajuiduhttima áigge	20
Ohcan	24
Ná Kela bálvala	27

Kela veajuiduhttin

Jos dus lea buohcuvuohta dehe váddu, mii váttásmáhttá du árgga dehe bargguid bargama, sáhtát oažžut Kela veajuiduhttima.

Dán brošyras mitaluvvo, makkár veajuiduhttima sáhtát oažžut Kela ja mo Kela doarju du ruđalaččat veajuiduhttima áigge.

Kela veajuiduhttima ordnejit ovdamearkan fitnodagat ja priváhta terapevtat. Kela lassin veajuiduhttima sáhttet fállat bargoealáhtlágádusat, organisašuvnnat ja buresveadjinguovllut.

Veajuiduhttin lea dábálaččat dutnje nuvttá.

Jos dárbbášat vierisgiela tulkoma, sáhtát oažžut dan maddái veajuiduhttimii. Muhtin veajuiduhttinbálvalusat ordnejuvvojit maddái ruota- ja sámegillii.

Brošyra mitala jagi 2024 dilis.



Lassidiedut nehtas ja telefonna bokte

Kela doarjagiin mitaluvvo sámegillii čujuhusas
www.kela.fi/davvisamegiella

Veajuiduhttimis mitaluvvo dárkilabbot
Kela suomagielat siiduin
www.kela.fi/kuntoutus



Jos dus lea jearran láhkai,
sáhtát riŋget bálvalannummirii
020 692 205

Mii veajuiduhttin lea?

Veajuiduhttimiin buoriduvvojit bargonákca ja doaibmannákca, jos dat leat hedjonan.

Veajuiduhttimis soahpabehtet veajuiduhttima mihttomeriin ovttas ámmátolbmuiguin.

Veajuiduhttima bokte sáhttá oažžut maiddá veahkkeneavvuid, mat álkidahttet skuvllavázzima, studerema dehe barggu bargama.

Veajuiduhttima áigge sáhtát oažžut veajuiduhttinruđa, mii sihkkarastá du áigái bođu.

Mo veajuiduhttimii beassá?

Sáhtát ohcat Kelas veajuiduhttima, jos bargonákca dehe doaibmannákca leat hedjonan.

Dárbbasat dábálaččat maiddá doaktárcealkámuša. Cealkámušas lohká, makkár veajuiduhttima doavttir dutnje ávžžuha. Lossaváttot medisiinnalaš veajuiduhttima várás dárbbasat veajuiduhttinplána, mii lea dahkkon almmolaš dearvvasvuodafuolahusas.

Go leat ožžon doaktáris cealkámuša, sáhtát ohcat veajuiduhttima.

Jos leat 16–29-jahkásaš, sáhtát oažžut nuora ámmátlaš veajuiduhttima. Dan sáhttá ohcat almmá doaktárcealkámuša haga.

Jos háliidat diehtit lasi Kela veajuiduhttimis, sáhtát ringet bálvalannummirii 020 692 205.



Mánáid ja nuoraid veajuiduhttin

Kela ordne mánáide ja nuoraide veajuiduhttima, mii sáhtta leat jogo individuála veajuiduhttin dehe joavkoveajuiduhttin.

Veajuiduhttima sáhtta ordnet veajuiduhttima lágideaddji doaibmalanjain, ruovttus, skuvllas dehe beaiveruovttus.

Mánáid bearaškurssat

Kela ordne bearaškurssaid mánáide, geain lea juoga buohcuvuohta. Bearaškurssat veahkehit máná ja bearraša vuogáiduvvat nuppástusaide, maid buohcuvuohta dehe váddu dagaha. Kurssas deaivvadat eará bearrašiiguin, geat leat seammá dilis. Sáhttibehtet juogadit vásáhusaid ovttas.

Bearaškurssat leat dárkkuhuvvon mánáide, geain lea ovdamearkan juoga čuovvovaččain:

- ADHD
- autismagirjju hehttehus
- giellaovdáneami hehttehus
- Down syndroma
- diabetes
- epilepsija
- čálganváddu
- oaidnin- dehe gullanváddu
- CP-váddu
- borasdávda
- juoga hárvenaš buohcuvuohta.

Oaččut lassidieđuid kurssain čujuhusas

www.kela.fi/kuntoutus-ja-sopeutumismennuskurssit.

LAKU-bearašveajuiduhttin

LAKU -bearašveajuiduhttin lea dárkkuhuvvon 7–15-jahkásaš mánáide, geain lea ADHD, ADD, Tourette syndroma dehe autismagirjju diagnosa.

Veajuiduhttin veahkeha bearraša áddet buorebut máná neuropsykiátralaš hehttehus.

Veajuiduhttimis oaččut dieđuid máná šaddamis ja ovdáneamis.

Seamma háve oahpat vugiid, mat veahkehit árggas ja váttes diliin.

Veajuiduhttimis deaivvadat maiddái eará bearrašiiguin, geat leat seammá dilis.

Sáhttibehtet juogadit vásáhusaid ovttas.

Deaivvademiid sáhtta lágideaddji veajuiduhttinguovddážiis, bearraša ruovttus dehe eará oahpes báikkis.

Oma väylä -veajuiduhttin

Oma väylä -veajuiduhttin lea dárkkuhuvvon 16–29-jahkásaš nuoraide, geain lea ADHD, ADD dehe autismagirjju diagnosa.

Veajuiduhttimis oahpat dáidduid, maid dárbbasat studeremis, bargoeallimis ja árggas.

Veajuiduhttimii gullet ovttaskas olbmo deaivvadeamit ja joavkodeaivvadeamit.

Ovttaskas olbmo deaivvadeamit lágideaddji dutnje oahpes báikkiin, dego ruovttus, oahppolágádusas dehe bargosajis.

Joavkodeaivvademiin oaččut veardásašdoarjaga ja sáhtta juogadit vásáhusaid eará nuoraiguin.

Nuora ámmátlaš veajuiduhttin

Nuora ámmátlaš veajuiduhttin lea dárkkuhuvvon 16–29-jahkásaččaide, geain ii leat studerenbáiki dehe bargosadji. Sáhtát oažžut dan maiddái, jos du oahput leat gaskkalduvvan dehe sáhttet gaskkalduvvat.

Nuora ámmátlaš veajuiduhttin lea

- ámmátlaš veajuiduhttin, mii ovddida barggu oažžuma
- veajuiduhttinčilgehus
- skuvlen
- Nuotti -válbmen.

Sáhtát ohcat nuora ámmátlaš veajuiduhttima ringemiin bálvalannummirii 020 692 205. Ohcanskovi dehe doaktárcealkámuša ii dárbbáš.

Loga ámmátlaš veajuiduhttimis, mii ovddida barggu oažžuma, siiddus 13.

Loga veajuiduhttinčilgehusas siiddus 12.

Loga skuvlemis siiddus 12.

Nuotti-válbmen

Nuotti-válbmen lea dárkkuhuvvon nuoraide, geat dárbbášit persovnnalaš doarjaga árggas ja boahttevuoda plánemis.

Oaččut Nuotti-válbmemis iežat válbmejeaddji, geainna deaivvadat jeavddalaččat. Válbmejeaddji veahkeha du fuobmát, mat nanusvuodát ja návccat dus leat. Válbmejeaddji sáhtát veahkehit du maiddái beassat studeret dehe bargoeallimii.

Eará veajuiduhttin mánáide ja nuoraide

Ovdalis lea muitaluuvon mánáid ja nuoraid iežaset veajuiduhttinbálvalusain. Daid lassin mánás dehe nuoras sáhtát leat vuoigatvuohta maiddái Kela eará veajuiduhttinbálvalusaide. Dat leat ovdamearkan lossaváttot medisiinnalaš veajuiduhttin ja mánggaámmátlaš individuála veajuiduhttin.

Loga lossaváttot medisiinnalaš veajuiduhttimis siiddus 17.

Loga mánggaámmátlaš individuála veajuiduhttimis siiddus 16.

Jos leat uhcimustá 16-jahkásaš, dus sáhtát leat vuoigatvuohta maiddái

- nuora ámmátlaš veajuiduhttimii
- ámmátlaš veajuiduhttima eará bálvalusaide
- psykoterapiijai
- neuropsykologalaš veajuiduhttimii.

Loga ámmátlaš veajuiduhttimis siiddus 8.

Loga psykoterapiijas siiddus 10.

Loga neuropsykologalaš veajuiduhttimis siiddus 15.

Veahkkeneavvut

Jos mánná dehe nuorra dárbbáša veahkkeneavvuid skuvllas dehe oahpuin, Kela sáhtát skáhppot veahkkeneavvuid. Kela sáhtát maiddái rávvat, mo veahkkeneavvut geavahuvvojit. Veahkkeneavvuid sáhtát oažžut áramustá vuodđoskuvlla 7. luohkás.

Bargoahkásaš olbmo veajuiduhttin

Kela ordne veajuiduhttima bargoahkásaš olbmuide, geaid bargonávcca dehe studerenávcca buohcuvuohta lea hedjonahtán dehe hedjonahtá lagašjagiin.

Veajuiduhttima mihttomearrin lea buoridit veadjima barggus dehe veahkehit bargui máhccamis. Veajuiduhttin sáhtá maidđái veahkehit nuora beassat bargui.

Jos du buohcuvuohta leat lossat ja váikkuha olu du eallimii, sáhtát ohcat lossaváttot mediinnalaš veajuiduhttima dehe mánggaámmátlaš individuála veajuiduhttima.


Veajuiduhtti psykoterapiija

Sáhtát ohcat Kelas veajuiduhttinpsykoterapiija, jos leat 16–67-jahkásaš ja dus lea mielladearvvasvuoda váddu, mii váttásmahtá du studerema dehe bargguid bargama.

Sáhtát oažžut veajuiduhttinpsykoterapiija, jos buot čuovvovaš eavttut ollašuvvet:

- Mielladearvvasvuoda váttu lea psykiátra duodaldan.
- Psykiátra lea čállán dutnje cealkámuša, manin dárbbášat terapiija.
- Leat jo ožžon mielladearvvasvuoda váttu dihte divššu uhcimustá 3 mánotbaji.

Jos Kela miediha dutnje veajuiduhttinpsykoterapiija, oaččut buhtadusa psykoterapevttá mávssuin.



Ámmátlaš veajuiduhttin

Sáhtát ohcat Kela ámmátlaš veajuiduhttimii, jos it vel leat beassan bargoeallimii dehe leat leamaš doppe easkka oanehis áigge. Jos leat leamaš guhká bargoeallimis, sáhtát ohcat veajuiduhttima bargoealáhatlágádusas.

Dan lassin Kela ordne olbmuide, geat leat bargoeallimis, ja fitnodatolbmuide Kiila-veajuiduhttima.

Loga Kiila-veajuiduhttimis siiddus 13.

Veajuiduhttima mihttomearrin lea buoridit barggus veadjima dehe veahkehit bargui máhccama. Veajuiduhttin sáhttá maiddá veahkehit oažžut bargosaji.

Ámmátlaš veajuiduhttinčilgehus

Sáhtát ohcat ámmátlaš veajuiduhttinčilgehussii, jos bargo- dehe studerennákca lea hedjonan buohcuvuoda dehe váttu geažil.

Veajuiduhttinčilgehusas áššedovdit árvvoštallet, makkár bargo- ja doaimmannákca lea ja makkár čehppodat ja válmmašvuohta dus lea bargoeallima várás. Oaččut maiddá dieđuid iešguđetlágan studerenvejolašvuođain ja das, mii sierra ámmáhiidda gáibiduvvo.

Veajuiduhttimis ráhkadat ámmátolbmuiguin plána, mii veahkeha du beassat studeret dehe bargui.

Skuvlen

Jos dus lea buohcuvuotta dehe váddu, sáhtát oažžut Kelas doarjaga skuvlemii, mii veahkeha du beassat bargoeallimii.

Dán doarjaga sáhttá dábálaččat oažžut nuppi dási oahpuide, allaskuvlaoahpuide ja odđasit skuvlemii.

Dutnje sáhttá buhttet

- studerengoluid, dego lohkanbadjemávssuid ja skuvladárbašiid
- mátkegoluid ruovttu ja studerenbáikegotti gaskkas.

Ámmátlaš veajuiduhttin, mii ovddida barggu oažžuma

Muhtumin buohcuvuotta dehe váttes eallindilli sáhttá dahkat skuvlema dehe ámmáha válljema váttisin. Ámmátlaš veajuiduhttimis, mii ovddida barggu oažžuma, oaččut doarjaga válbmejeaddjis. Válbmejeaddji sáhttá veahkehit du gávdnat bargosaji dehe vuodđudit fitnodaga.

Veajuiduhttimis leat 3 iešguđetlágan molssaeavttu:

- 1. Bargoiskkadallan:**
Beasat iskkadallat iešguđetlágan bargguid ja bargosajiid, vuoi sáhttá čielggadit, mii ámmát dehe bargu heive dutnje buoremusat.
- 2. Bargui válbmen:**
Oaččut doarjaga ja rávvema daid dáidduid buorideapmái, maid dárbbasat bargoeallimis.
- 3. Bargoiskkadallama ja bargui válbmema oktiibidju.**

Kela veahkeha du válljet dutnje heivvolaš molssaeavttu.

Kiila-veajuiduhttin olbmuide, geat leat bargoeallimis

Kiila-veajuiduhttin lea kursa, mii veahkeha du buoridit bargonávcca ja bissut bargoeallimis. Kela ordne Kiila-veajuiduhttima ovttas bargodearvvasvuođafuolahusain ja du bargobáikkiin.

Bargoaddi sáhttá ohcat Kiila-kurssa bargiide.
Maiddái ámmátlihtut sáhttet ohcat Kiila-kurssa lahtuide.
Sáhtát ohcat kurssaid čujuhusas

www.kela.fi/kuntoutuskurssihaku.

Jos it gávna heivvolaš kurssa,
sáhtát ohcat Kiila-individuála veajuiduhttima.
Individuála veajuiduhttimis veajuiduhttima bálvalusbuvttadeaddjit
čohkkejit ovttaskas áššehasain joavkku.

Ámmátlaš Taito-veajuiduhttin

Sáhtát ohcat Taito-veajuiduhttima,
jos bargan dehe studeren lea váttis
buohcuvuođa dehe vátu dihte.
Veajuiduhttimis oaččut individuála rávvema,
oassálasttát joavkoveajuiduhttimii ja beasat bargohárjehallamii.
Oaččut iežat jodiheaddji,
gii doarju du olles veajuiduhttima áigge.

Go veajuiduhttin nohká,
dutnje bargojuvvo iežas ámmátlaš plána.

Veahkkeneavvut

Jos dárbbasat veahkkeneavvuid barggus dehe oahpuin
buohcuvuođa dehe vátu dihte,
Kela sáhttá skáhppot veahkkeneavvuid dutnje.
Sáhtát oažžut ovdamearkan lohkan- ja
čuočkesšearpma dehe stuorra šearpma dehe dihtora.

Sáhtát oažžut veahkkeneavvu
áramustá vuoddoskuvlla 7. luokás.
Jos dárbbasat eará veahkkeneavvuid ovdamearkan lihkeapmái,
sáhtát bivdit daid almmolaš dearvvasvuodafuolahusas,
dego dearvvasvuodaguovddážiis.

Ealáhusdoarjja

Ealáhusdoarjja lea dárkkuhuvvon
fitnodatolbmuid ja ámmáhisbargiide,
geain lea juoga buohcuvuohta dehe váddu.
Sáhtát oažžut ealáhusdoarjaga,
jos fitnodaga vuoddeamis dehe nuppástusbargguin bohtet
golut.

Doarjaga sáhttá oažžut

- bargoreaidduid, stohpogálvvuid ja dárbašiid skáhppomii
- doaibmabáikkiid ordnemii.

Sáhtát maiddái ohcat ealáhusdoarjaga,
jos dus lea jo fitnodat ja dárbbasat buohcuvuođa dehe
vátu dihte bargoreaidduid.
Ealáhusdoarjagis ii gessojuvvo vearru.

Neuropsykologalaš veajuiduhttin

Neuropsykologalaš veajuiduhttin lea dárkkuhuvvon
16–67-jahkásaččaide, geain lea ovdamearkan lohkan- ja
čállinváddu, áddenhehttehus dehe ADHD.
Neuropsykologalaš veajuiduhttima sáhttá oažžut
maiddái ovdamearkan vuoiŋašvarrajohtinvátu
dehe vuoiŋašvátu maŋŋá.

Veajuiduhttima várás dárbbasuvvojit
neuropsykologa ja doaktára cealkámuš.

Neuropsykologalaš veajuiduhttin lea dábálaččat
individuála veajuiduhttin.

Jos Kela miediha dutnje neuropsykologalaš veajuiduhttima,
oaččut Kelas buhtadusa terapevttá mávssuin.

Doarjja buohcuvuodain eallimii

Veajuiduhttin- ja vuogáiduvvanválbmenkurssat veahkehit du eallit buori eallima buohcuvuodas fuolakeahhtá. Jos buohcuvuohta dehe váddu lea hui váttis, dutnje sáhtá heivet lossaváttot medisiinnalaš veajuiduhttin dehe mánggaámmátlaš individuála veajuiduhttin.

Veajuiduhttin- ja vuogáiduvvanválbmenkurssat

Kela ordne veajuiduhttin- ja vuogáiduvvanválbmenkurssaid mánáide, nuoraide ja rávesolbmuide, geain lea buohcuvuohta dehe váddu. Kurssain oaččut dieduid buohcuvuodastat, veardásašdoarjaga ja doarjaga árggas birgemii.

Go oassálasttát kursii, sáhtát idjedit veajuiduhttinguovddážis.

Oaččut lassidieduid kurssain čujuhusas

www.kela.fi/kuntoutus-ja-sopeutumisvalmennuskurssit.

Mánggaámmátlaš individuála veajuiduhttin

Jos du buohcuvuohta váttásmahtá olu du eallima, dus sáhtá leat vuoigatvuohta mánggaámmátlaš individuála veajuiduhttimii. Mánggaámmátlaš individuála veajuiduhttimis oaččut veahki mángga áššedovdis.

Veajuiduhttima mihttomearrin lea veahkehit du birget árggas, barggus ja oahpuin. Oasi veajuiduhttimis sáhtá ordnet joavkkus.

Lossaváttot medisiinnalaš veajuiduhttin

Sáhtát ohcat lossaváttot medisiinnalaš veajuiduhttima, jos buot čuovvovaš eavttut ollašuvvet:

- Leat vuollái 65-jahkásaš.
- Dus leat buohcuvuoda dehe váttu dihte stuorra váttisvuodat birget árggas.
- Dus lea veajuiduhttinplána, mii lea dahkkon almmolaš dearvvasvuodafulahusas.

Lossaváttot medisiinnalaš veajuiduhttin sáhtá leat ovdamearkan

- psykoterapiija
- fysioterapiija
- doaibmanterapiija
- hállanterapiija.

Veajuiduhttin sáhtá leat ovttaskas olbmo terapiija dehe joavkoterapiija. Terapiija sáhtá oažžut hávil 1–3 jagi.

Lossaváttot medisiinnalaš veajuiduhttin sáhtá leat maiddái veajuiduhttin- dehe vuogáiduvvanválbmenkurssa dehe mánggaámmátlaš individuála veajuiduhttin.

Loga veajuiduhttin- ja vuogáiduvvanválbmenkurssain siiddus 16.

Loga mánggaámmátlaš individuála veajuiduhttimis siiddus 16.

Ahkeolbmo veajuiduhttin

Jos leat deavdán 65 jagi, sáhtát ohcat Kelas veajuiduhttin- ja vuogáiduvvanválbmenkurssaid ja mánggaámmátlaš individuála veajuiduhttima.

Kurssat ordnejuvvojit ovdamearkan olbmuide, geain lea

- vuoinjašvarrajohtinváddu
- lihkaeamibuohcuvuohta, dego Parkinson dávda
- váibmobuohcuvuohta
- vuoignanbuohcuvuohta.

Maidái oapmahašdikšuide leat veajuiduhttinurssat.

Lassin sáhtát oažžut veajuiduhttinpsykoterapiija ja neuropsykologalaš veajuiduhttima 67-jagi rádjai.

Kela eará veajuiduhttin lea dárkkuhuvvon bargoahkásaš olbmuide elege vuollái 65-jahkásaččaide.

Loga veajuiduhttin- ja vuogáiduvvanválbmenkurssain siiddus 16.

Loga mánggaámmátlaš individuála veajuiduhttimis siiddus 16.



Áigáiboahu veajuiduhttima áigge

Kela sáhttá doarjut du ekonomalaččat veajuiduhttima áigge.

Dát doarjagat leat

- veajuiduhttinruhta
- nuora veajuiduhttinruhta
- bajásdoallanbuhtadus.

Veajuiduhttinruhta

Sáhtát oažžut veajuiduhttinruđa, dallego du veajuiduhttima ordne

- Kela
- buohcceviessu
- sosiála- ja dearvvasvuodaguovddáš
- bargodearvvasvuodafuolahus.

Jahkeboadut váikkuhit veajuiduhttinruđa mearrái.
Jahkeboadut dárkkuhit boaduid 12 mánotbaji áiggis.

Jos dutnje mieđihuvvo veajuiduhttin ovdamearkan miessemánu 2024 ovddos guvlui, Kela máksá dutnje veajuiduhttinruđa daid boaduid mielde, maid leat ožžon 1.4.2023–31.3.2024.

Veajuiduhttinruhta lea álot uhcimustá 31,99 euro beavvis elege sullii 800 euro mánotbajis.

Veajuiduhttinruđas gessojuvvo vearru.



Jos du bargobeavi oaniduvvo
veajuiduhttimii oassálastima dihte,
sáhtát oažžut oasseveajuiduhttinruđa.

Nuora veajuiduhttinruhta

Sáhtát oažžut nuora veajuiduhttinruđa,
jos buot čuovvovaš eavttut ollašuvvet:

- Leat 16–19-jahkásaš.
- Buohcuvuohta dehe váddu hedjonahtá du bargonávcca dehe studerenávcca.
- Dárbbašat erenomáš doarjaga veajuiduhttimii.
- Dutnje lea ráhkaduvvon buresveadjinguovllus persovnnalaš studeren- ja veajuiduhttinplána (KHOPS).

Sáhtát oažžut nuora veajuiduhttinruđa,
go studeret dehe go leat veajuiduhttimis,
mii sikte bargoeallimii beassamii.

Bajásdoallanbuhtadus

Jos veajuiduhttimis bohtet lassigolut,
sáhtát oažžut bajásdoallanbuhtadusa.
Sáhtát oažžut bajásdoallanbuhtadusa dušše,
jos oaččut buot uhcimus veajuiduhttinruđa.

Dábálaččat bajásdoallanbuhtadus máksojuvvo dalle,
go du veajuiduhttin bistá dušše oanehis áigge.
Bajásdoallanbuhtadus lea 9 euro beaivvis.
Bajásdoallanbuhtadusas ii gessojuvvo vearru.

Veajuiduhttindoarjja

Veajuiduhttindoarjja lea doarjja,
man sáhtá oažžut Kela veajuiduhttima maŋná.

Veajuiduhttindoarjaga dárkkuhussan
lea veahkehit du oažžut barggu.
Sáhtát oažžut doarjaga,
jos manat bargui veajuiduhttima maŋná
ja oaččut olu uhcit bálkká go ovddit barggus.
Sáhtát oažžut veajuiduhttindoarjaga maiddái,
jos manat bargohárjehallamii.

Veajuiduhttindoarjaga mearri lea eanemustá
seammá veardde go veajuiduhttinruhta.
Veajuiduhttindoarjagis gessojuvvo vearru.

Ohcan

Oza veajuiduhttima skoviin,
man oaččut Kela doaimmahagain ja neahtasiidduin:

www.kela.fi/skovit

Dárkkis ohcamušas,
mat čuvvosat das galget leat.

Sádde ohcamuša ja čuvvosiid neahtas:

www.kela.fi/neetist

Neahta bokte sáhtát ohcat maiddái veajuiduhttinruđa.

Sáhtát maiddái sáddet poastta fárus ohcamuša Kelai.

Kela poastačujuhus lea

Kela

PL 10

00056 KELA

Sáhtát dikšut measta buot Kela-áššiid maiddái telefonna bokte.

Go Kela lea gieđahallan du ohcamuša,
oaččut ruoktot mearrádusa.

Mearrádusas mitaluvvo dárkilabbot veajuiduhttima álgimis.

Oaččut mearrádusa maiddái dalle,

jos dutnje ii leat mieđihuvvon veajuiduhttin dehe
veajuiduhttinruhta.

Almmut, jos du dilli rievdá

Jos du eallin rievdá,
dat sáhttá váikkuhit Kelas ožžojuvvon doarjagiidda.
Nuppástus sáhttá guoskat ovdamearkan ássama, dietnasiid,
bargama dehe bearraša.

Muitte almmuhit nuppástusain Kelai.
Sáhtát bargat dan neahtas, telefonnain dehe doaimmahagas.

Du vásttus lea iežat buohta sihkkarastit,
ahte Kelas leat rivttes dieđut.
Dalle dutnje máksojuvvon doarjaga mearri lea riehta.

Jos mearrádusas lea feaila

Jos Kela mearrádus lea du mielas boastut,
dehe dus lea jearramuš,
váldde oktavuoda Kelai.



Neahtas sáhtát

- ohcat doarjagiid
- sáddet čuvvosiid
- dárkkistit iežat ohcamuša dili
- sáddet dieđuid
- almmuhit nuppástusain
- heaittihit doarjaga.

Kela davvisámegillii

Davvisámegielat neahttasiiddut:
www.kela.fi/davvisamegiella

Davvisámegielat gihppagat:

Almmolaš ássandoarjja

Áigái bohtindoarjja

Bargguhisvuohta

Buohcan ja doaibmaváttolašvuođadoarjagat

Ealáhagat ja eará ealáhatoažžu doarjagat

Mánnábearrašat

Olgoriikkain Supmii dahje Suomas olgoriikkaide

Studeanttat ja vearjogeatnegasat

■ **Veajuiduhttin**

Davvisámegielat gihppagiid sáhttá čálihit
Kela neahttasiidduin:
www.kela.fi/brosyrat